

Date : 22 Mac 2018
Title : PKS Uniten-KPT cemerlang
Publication : Utusan Malaysia
Page : 31

UTUSAN MALAYSIA • KHAMIS 22 MAC 2018



KAMAL NASHARUDDIN MUSTAPHA (tengah) bersama pemain skuad hoki wanita dalam majlis penghargaan pasukan dan memperkenalkan pemain SSTMI-PKS Uniten yang akan mengharungi saingan Liga Hoki Remaja Wanita Malaysia, di Bangi, semalam.

Juarai Liga Hoki Wanita Malaysia bukti kerja keras pemain PKS Uniten-KPT cemerlang

Oleh ZAZALI JAMIAN
sukan@utusan.com.my

■ KUALA LUMPUR 21 MAC

KEJAYAAN skuad hoki wanita PKS Universiti Tenaga Nasional (Uniten)-KPT menjuarai Liga Hoki Wanita Malaysia musim ini menjadi salah satu bukti kecemerlangan sukan dalam institusi pengajian tersebut.

Naib Canselor Uniten, Datuk Profesor Ir. Dr. Kamal Nasharuddin Mustapha berkata, meraih kejayaan itu tidak semudah yang

dijangka kerana ia hadir menerusi kerja keras barisan kejurulatihan dan pemain.

“Idea penubuhan pasukan ini bermula sejak 2009 dan bukan mudah sebenarnya buat sebuah pasukan IPT (Institut Pengajian Tinggi) meraih kejuaraan dalam kejohanan peringkat kebangsaan.

“Kejayaan ini juga membuktikan PKS Uniten-KPT mampu melakukannya dan menjadi antara pasukan terhebat dalam Malaysia.

“Saya harap kejayaan ini akan

diteruskan lagi pada tahun-tahun seterusnya dan tahniah sekali lagi saya ucapkan kepada semua pemain yang bertungkus lumus melakar kejayaan ini,” katanya sewaktu majlis penghargaan pasukan di Kampus Uniten, Bangi, semalam.

Sementara itu dalam majlis tersebut turut berlangsung sesi memperkenalkan skuad hoki wanita remaja SSTMI-PKS Uniten yang akan mengharungi saingan Liga Hoki Remaja Wanita Malaysia 2018 bermula 23 Mac ini.

Timbalan Naib Canselor

(Hal Ehwal Pelajar dan Alumni) Uniten, Profesor Dr. Mohd. Zamri Yusoff percaya kejayaan skuad senior musim ini akan menjadi pembakar semangat SSTMI-PKS Uniten bagi mempertahankan gelaran dimenangi dua tahun berturut-turut.

“Saya percaya skuad remaja ini mampu melakukannya (meraih kecemerlangan).

“Matlamat utama kami untuk muncul juara liga remaja, sama seperti yang disasarkan kepada skuad senior sebelum ini,” kata Mohd. Zamri.